
Янги Яйпан мавзесида 264 ўринли янги мактаб қурилмоқда

Ўзбекистон тумани Янги Яйпан мавзесида намунавий лойиҳалар асосида қурилган уйлар ёнида янги мактаб қурилмоқда.

2020 йил Инвестиция дастурига биноан мактабда 5,179 миллиард сўмлик қурилиш-таъмирлаш ишлари амалга оширилади.

Айни пайтда, 264 ўринли янги мактабнинг қурилиш ишлари карантин қоидаларига қатъий амал қилган ҳолда жадал давом этяпти. Қурилиш майдони 1,2 га. ни ташкил этади.

Замонавий мактаб талаблари асосида бунёд этилаётган муассаса 2 қаватли ўқув биноси, 12х24 ҳажмдаги спорт зали ҳамда бошқа спорт майдонларига эга бўлади.

Шунингдек, 5 та блокдан иборат мактабда ошхона, мажлислар зали, ўқув синфлари ва лабораториялари, замонавий компьютерлар ва видеокузатув камералари бўлиши режалаштирилган.

Жорий йилда қурилиш ишларининг якунланишини режалаштирилган таълим масканининг фойдаланишга топширилиши билан, ҳудудда истиқомат қиладиган баркамол авлоднинг узоқдаги мактабларга қатнаши муаммоси ҳам ижобий ҳал этилади.

Ўзбекистон тумани ҳокимлиги Ахборот хизмати

2020-05-18 12:58:59